

Na osnovu člana 32. Zakona o javnim nabavkama Bosne i Hercegovine ("Službeni glasnik BiH" broj: 39/14), a nakon provedenog otvorenog postupka nabavka roba: „Gorivo“ – tender br. 23/17 (red. broj 130. iz Plana nabavke za 2017 g.), zaključuje se

OKVIRNI SPORAZUM

Između:

1. **KJKP "Vodovod i Kanalizacija" d.o.o. Sarajevo**, ul. Jaroslava Černija broj 8., Sarajevo (u daljem tekstu: ugovorni organ), koga zastupa v.d. direktor Azra Muzur, dipl.inž.građ.

i
2. „**Green Oil**“ **d.o.o. Sarajevo**, ul.Marka Marulića br.4, Sarajevo (u daljem tekstu: ponudač), koga zastupa direktor Reko Muhović.

Član 1.

Ovim okvirnim sporazumom ugovorne strane regulišu okvirna pitanja vezana za realizaciju nabavke roba: „Gorivo“ za koje je proveden otvoreni postupak nabavke.

Na osnovu ovog okvirnog sporazuma ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog okvirnog sporazuma odnosno nabavku čija finansijska vrijednost odnosno period trajanja maksimalno može biti do iznosa i perioda utvrđenog u članu 3. i članu 4. ovog sporazuma, a što će zavistiti od potreba i interesa ugovornog organa.

Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi.

Član 2.

Okvirni sporazum se zaključuje sa ponudačem čija ponuda je izabrana kao najpovoljnija u otvorenom postupku nabavke broj: **23/17**, objavljenom na portalu Javnih nabavki broj: 247-1-1-50-3-102/17 od 28. 04. 2017 godine.

Član 3.

Ukupna vrijednost ovog okvirnog sporazuma sa popustom i bez uključenog poreza na dodanu vrijednost iznosi **372.522,40 KM**

(slovima:tristotinesedamdesetdvijehiljadepetstotinadvadesetdvije i 40/100 KM)

odnosno sa uključenim PDV-om iznosi: **438.771,21 KM**

(slovima:četrstotridesetosamhiljadasedamstotinasedamdesetjedan i 21/100 KM)

Jedinične cijene (bez PDV-a) na dan ponude iznose:

BENZIN EURO SUPER BMB 95 1.4957 KM/l

EURO DIZEL 5 1.4529 KM/l

Ponudeni popust KM/l bez PDV-a iznosi (ukoliko se nudi):

BENZIN EURO SUPER BMB 95 0,21 KM/l bez PDV-a

EURO DIZEL 5 0,18 KM/l bez PDV-a

Ponudeni popust vrijedi za cijeli period trajanja ugovora.

Jedinične cijene (bez PDV-a) umanjenje za popust bez PDV-a (ukoliko se nudi) i za taksu od 0,01 KM/l. a na koju se ne obračunava PDV na dan ponude iznosi:

BENZIN EURO SUPER BMB 95 1.2857 KM/l

EURO DIZEL 5 1.2729 KM/l

Shodno navedenom potrebno je iskazati jedinične cijene po litru u KM iz OPC obrasca ponuđača (bez uključenog popusta i bez PDV-a).

U toku izvršenja ugovora ponuđač može mjenjati cijenu goriva pri čemu je obavezan dostaviti obavjest o promjeni cijena (OPC) izdatu od nadležnog organa.

Cijena će se formirati prema slijedećoj formuli (cijene su izražene u KM/l i bez PDV-a):

$$\begin{array}{rcccl} \text{Cijena odobrena od} & & \text{Ponudeni popust} & & \text{Utvrđena cijena na dan} \\ \text{nadležnog organa na dan} & - & \text{ponuđača} & = & \text{isporuke} \\ \text{isporuke} & & \text{(ukoliko se nudi)} & & \end{array}$$

Član 4.

Promjenu cijene ponuđač će dokazivati dostavom obavjesti o promjeni cijena (OPC) izdatu od nadležnog organa, kojom je cijena promjenjena od dana kada je ponuđaču dostavljena odluka o izboru, dokumentujući razloge za promjenu jediničnih cijena iz prethodnog člana umanjenu za ponudeni popust od 0,21 KM/l bez PDV-a za BENZIN EURO SUPER BMB 95 i 0,18 KM/l bez PDV-a za EURO DIZEL 5 (ukoliko se nudi) i za taksu od 0,01 KM/l, a na koju se ne obračunava PDV.

Kao metodologiju dokazivanja da je na tržištu zaista došlo do promjene cijena (povećanje ili smanjenje), Ugovorni organ može istražiti tržište i pribaviti cijene goriva na dan dostave OPC obrasca od najmanje tri distributera goriva.

Navedene cijene koje Ugovorni organ zatraži od najmanje tri različita distributera goriva u momentu kada ponuđač zahtjeva promjenu cijena služiti će kao referentne cijene sa kojima će se „nova ponudena cijena izabranog ponuđača“ uporediti i donijeti odluka da li je na tržištu realno došlo do promjene cijene i shodno tome da li se ista na zahtjev izabranog ponuđača treba uvažiti.

Član 5.

Okvirni sporazum se zaključuje za period od 18 mjeseci od dana zaključivanja okvirnog sporazuma.

Član 6.

Robe koje su predmet okvirnog sporazuma su specificirane prema vrsti, količini i jediničnim cijenama u ponudi ponuđača broj: 143-05/17 od 23.05.2017, koja je sastavni dio okvirnog sporazuma.

Član 7.

Odredbe ovog okvirnog sporazuma ne mogu se mijenjati nakon njegovog zaključenja.

Član 8.

Ovaj okvirni sporazum primjenjuje se sa danom potpisivanja od obje ugovorne strane.

Član 9.

Sve eventualne sporove ugovorne strane će rješavati mirnim putem, a ako u tome ne uspiju, nadležan je sud u Sarajevu.

Član 10.

Obavještenje o dodjeli okvirnog sporazuma će se objaviti na Portalu javnih nabavki.


Član 11.

Okvirni sporazum sačinjen je u 6 primjeraka, od kojih svaka ugovorna strana zadržava po 3 primjerka.

Ponudač:

Ugovorni organ:

**v.d. Izvršni direktor
za kanalizacioni sistem**



Nihad Žilic, dipl.inž.grad.

**v.d. Izvršni direktor
za vodovodni sistem**



Salhudin Bakal, dipl.inž.maš.

Direktor



Reko Muhović



v.d. Direktor



Azra Muzur, dipl.inž.grad.

Broj: 506-11/17

Broj: 500/17

Datum: 30.11.2017

Datum: 30.11.2017